


բատվական բնույթի արձանագրություն: Այդ տարօրինակությունն առաջ է եկել նրանից, որ Հրանուշ թագուհին նախ կառուցել է տվել Գրիգորի բուրակ եկեղեցին, որի կառուցումն արդեն ավարտված է եղել 1061 թվականին և նրան զուգահեռ շինել է տվել գրատունը, որն ավարտվել է 1063 թվականին: Այդ երկու շենքերի կառուցումն ավարտելուց հետո գրել է տվել երկուսի կառուցման վերաբերող 1063 թվականի արձանագրությունը: Իսկ մինչ այդ, 1061 թվականին, երբ Գրիգորի բուրակ եկեղեցին արդեն շին-

ված էր, իշխանաց իշխան Շապուհը նրա պատին գրել է իր նվիրատվական արձանագրությունը (նկ. 17):

Եթե կառուցման արձանագրության մեջ եղեկեցու՝ Գրիգորի անվան նվիրված լինելը չի հիշատակված, ապա վանքի նորոգության վերաբերող 1652 թվականի արձանագրությունում հիշատակված է: Սակայն այստեղ կարևորն այն է, որ այդ նորոգության ժամանակ մեծ չափով տուժել է շենքը և կորցրել իր արտաքին տեսքի փառահեղ պատկերը: Ուստա Սարգիսն ու նրա աշակերտները քան-



Նկ. 13. Գրատան ներքին տեսարանը:

դել են հին գմբեթն ու պատերի վերին շարքը, որի վրա էին տեղավորված արտաքին պատի որմնակամարները, դրա հետևանքով այժմ այդ կամարները չկան և եկեղեցու բարձրությունը բնականից կրճատված է մոտ 60 սմ: Այնպես որ սկզբնական տաճարից տեղում մնացել են տաճարի պատերը, մինչև որմնասյուներից վերև կամարների ճյուղավորվող քանդակազարդ հիմքերը, որոնք այժմ աննպատակ ցցված են պատերի գրվածքին: Նկատի ունենալով 11-րդ դարին պատկանող տաճարների ձևերը, պետք է ենթա-

դրենք, որ հին գմբեթը, հավանաբար, ավելի մեծ տրամագիծ է ունեցել և թմբուկի վրա կրել է առաջին հարկաբաժնի պատերին համապատասխանող որմնակամարներ: Այդ գմբեթի փոխարեն այժմ տաճարի վրա նրստած է բոլորշի թմբուկով և կոնաձև վեղարով փոքրածավալ մի գմբեթ, նման մյուս տաճարների նույնպես վերաշինած գմբեթներին:

9. Գրատան նախագավիր: Հյուսիսային կողմից գրատան կպած մի սրահ է, որի կառուցման թվականը հայտնի չէ, բայց պատերի վրայի բազմաթիվ արձանագրություննե-